



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelæ Geographiae Veteris Et Novae

Briet, Philippe

Parisiis, 1649

Nvm. 2. Qualitas.

urn:nbn:de:hbz:466:1-13167

desæuiit, puberes omnes iugulauit, impuberes cum mulierculis Constantinopolim abduxit, vnde nouas Græcorum, & Turcarum colonias huc submisit.

CAP V T IV.

De Venetâ ditione in Græciâ.

CRETAM Insulam ægrè reseruauere sibi in Ægæo mari Veneti ex quo perdidere Cyprum, & S. Ioannis Hierosolymitani equites ex Insulâ Rhodo eiecti sunt. Exinde tamen sapientiâ suâ perfecere, ut in fide persisteret à quo fidem nullam solent expectare Christiani, nam ab eo tempore non Cretam modò, sed & Cytheram, & Tenum præsidiis retinuere Veneti usque ad nostra tempora, quibus bella inter Christianos Europæos, Turcam ad fœdera violanda impulerunt.

§. I. *De Insulâ Cretâ, seu Candia.*

N V M. I. *Nomen & Quantitas.*

DE nomine nihil occurrit quod dicam, nisi quod *Candia* dicatur, habeatque primariam ciuitatem iam toti Insulæ cognominem.

Quantitas eius spectata secundùm *Longitudinem* ab Hermico Prom. ad Prom. *Salomonis* 4. gradus maioris circuli continet; idéoque 240. mil. pass. leuc. Franc. 120. Germ. 60. Secundùm *Latiitudinem* verò à *Cabo Sasoni* ad ostia fluuij *Lince* gradum unum complectitur cum 10. minutis, igitur 70. mil. pass. 25. leucas Francicas, 17. cum dimidiâ Germanicas.

N V M. 2. *Qualitas Cretæ.*

FERTILITATEM Cretæ id maximè arguit, quod in quibusdam eius Insulæ locis, bis in anno seratur, bis metatur. Vinum hinc generosissimum effertur, vulgo *de la Malvoisie*, olim vinum Pramnum. Tota est penè cupressis consita, vnde Veneti arculas conficiunt suas. Montes etiam pascuis læti, quare hic armenta Bucera, & oves innumeræ. Neque ceruos, neque lupos, aut yrsos & vulpes

pes alit, immo neque serpentes, eos potissimum qui veneno nocent, nisi fortè Phalangium, vulgo *Sphalangi*, Italis *Tarantula* quod species videtur Aranei; quem pungit istud animal, enecat stupido quodam dolore, cui malo Harmonia medicinam facit. Insula portus habet commodissimos & plures, quare nonnisi ægrè feruari potest contra potentissimum hostem.

NVM. 3. *Mores Cretensium.*

CRETENSES in præsentia molles & timidi, si *Sfachiotas* exceperis hominum genus ad arma natum, quorum dialectus est Italica multis vocibus Græcis admixta; *Tzopelonas* hos Græci vocare solent, quoniam eorum pleraque voces inchoantur à TZ. Reliqui mores induere Dominorum suorum. Indigenæ malè inter se conueniunt, ex quâ discordia imminet Insulæ ruina. Certè ætate nostrâ Turcas à Sfachiotis adiutos esse, Veneti grauiter conqueruntur.

NVM. 4. *Politia Creta.*

AD Insulam administrandam altero quoque anno duo Veneti nobiles mittuntur, Dux unus, alter Capitaneus dicitur. Quatuor millia stipendiariorum feruant Insulam, quibus adiunguntur milie Sfrachiotæ, quos indigenæ patres suos, atque tutores vocant. Veneti totam Insulam inter suos nobiles distribuerunt in 394. Baronias, *Caualerias* nominant, quas iterum in municipia diuise- runt, *Seruanteries* indigent. Nobiles quoque Cretenses nobilibus Venetis accensent, ut eos in fide & obsequio Reip. suæ contineant. Nunc verò magnâ eius parte potitur Ottomanus, Venetis reliquias Insulæ ægrè feruantibus, indigenis aut mussitantibus, aut etiam ad nouum Dominum aspirantibus.

§. 2. *De minoribus Insulis Græciae iuris Veneti.*NVM. 1. *De Corcyra.*

CORCYRA, hodie *Corfou*, seu *Corfu*, excurrit secundum longitudinem à *Lafano* Pro. Australi ad Pro. *Sidari* Boreale ad 40. mil. pas. patet: quæ longitudo est Geographica latitudo: secundum latitudinem à Castro S. Angeli, quod *Sant Agnolo* vocant ad Corcyram 20. millia passuum, ambitus eius centum millibus definitur.

Parall. Geogr. Tom. II.

Nnn